

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	Berita Harian
Date	15 May 2015

## PRASARANA dapat kontrak Makkah Metro

BH - 15/5/2015

**Kuala Lumpur:** Kerajaan mengucapkan tahniah kepada Prasarana Malaysia Berhad (PRASARANA) berikutan kejayaan memperoleh kontrak pengendalian operasi dan penyelenggaraan sistem Metro untuk musim haji dari Arafah ke Mina, mulai tahun ini.

Perdana Menteri, Datuk Seri Najib Razak, berkata perolehan kontrak itu satu lagi pen-

capaian negara, khususnya PRASARANA, terutama dua anak syarikatnya, Rapid Rail Sdn Bhd dan Prasarana Pengurusan Bersepadu dan Perkhidmatan Kejuruteraan (PERDANA) yang menerajui pembidaan.

Beliau berkata, Malaysia amat berbangga dan berbesar hati bekerjasama dengan Kerajaan Arab Saudi menerusi

projek itu kerana ibadat haji begitu dekat di hati rakyat, terutama dalam kalangan umat Islam.

### Kontrak tiga tahun

“Saya mempunyai keyakinan penuh kepada PRASARANA untuk melaksanakan projek itu kerana ia mempunyai kepakaran, pengetahuan dan keupayaan,” katanya dalam satu

kenyataan semalam.

Menewaskan beberapa pengendali utama lain, PRASARANA dianugerah kontrak tiga tahun oleh Kementerian Perbandaran dan Hal Ehwal Luar Bandar, Arab Saudi untuk mengendalikan dan menyelenggara laluan Al Mashaaer Al Muga-ddasah – Makkah Metro sedia ada yang beroperasi secara khusus ketika musim haji.